



**Republika e Kosovës**  
**Republika Kosova – Republic of Kosovo**

**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



**PSH. nr. 118/17**

**PANELI SHQYRTUES I PROKURIMIT PUBLIK**, i emëruar nga kryetari në bazë të nenit 105 pika 1 dhe 2 si dhe nenit 106 të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, si dhe nenit 28 paragrafi 1 të Rregullores së Punës së OSHP-së, në përbërje Tefik Sylejmani – Kryetar, Goran Milenković – referues dhe Blerim Dina-anëtarë duke vendosur sipas ankesës me nr. të protokollit 118/17, të parashtruar nga operatorët ekonomik “Union” me seli në Prishtinë, lidhur me aktivitetin e prokurimit me titull: furnizim me ushqim pluhur për foshnje” me nr. të prokurimit QKUK 701/17/030/121, të shpallur nga autoriteti kontraktues–Qendra Klinike Universitare e Kosovës me dt. 25.05.2017, mori këtë:

**V E N D I M**

- I. **Refuzohet**, si e pa bazuar ankesa e operatorit ekonomik “Union” me seli në Prishtinë, lidhur me aktivitetin e prokurimit me titull: “Furnizim me ushqim pluhur për foshnje” me nr. të prokurimit QKUK 701/17/030/121, të shpallur nga autoriteti kontraktues–Qendra Klinike Universitare e Kosovës.
- II. **I lejohet**, autoritetit kontraktues QKUK të vazhdoj tutje me procedurat e prokurimit lidhur me aktivitetin e prokurimit me titull: “Furnizim me ushqim pluhur për foshnje” me nr. të prokurimit QKUK 701/17/030/121.
- III. Autoriteti Kontraktues në aftë prej 10 ditësh duhet ta informoj me shkrim Panelin Shqyrtues për të gjitha veprimet e ndërmarra lidhur me këtë prokurim .
- IV. Mos respektimi i këtij vendimi, detyron Panelin Shqyrtues që konform dispozitave ligjore të nenit 131 të LPP-së nr. 04/L-042, të ndërmarr masa ndaj Autoritetit Kontraktues , që nuk respekton vendimin e Panelit Shqyrtues të paraparë me këtë ligj.
- V. Operatorit ekonomik ankues “Union” me seli në Prishtinë konform nenit 118 pika 3, i konfiskohet tarifat e sigurimit të ankesës.

## ARSYETIM

AK-QKUK. ka publikuar njoftimin për kontratë me dt.27.03.2017 me titull "Furnizim me ushqim pluhur për foshnje" me nr. të prokurimit QKUK 701/17/030/121 , procedurë e hapur , kontratë për shërbime, vlera e mesme.

Kriter për dhënie ka qenë tenderi i përgjegjshëm me çmim më të ulët.

Afati i fundit për ofertim ka qenë 21.04.2017, gjatë fazës tenderuese OE i interesuar për këtë aktivitet të prokurimit bënë ankesë duke mos u pajtuar me specifikat teknike me pretendim se AK-QKUK ka vepruar në kundërshtim me nenin 6,7 dhe 28 me rastin e hartimit të dosjes së tenderit dhe specifikimit teknik .

Ankesa refuzohet si e pa bazuar.

OSHP ka autorizuar ekspertin shqyrtues z.Basha dhe ekspertin teknik z.Emini për trajtimin e pretendimeve ankimore, të cilët kanë dhënë mendimin e tij dhe kanë rekomanduar që të refuzohet ankesa e OE ankues si e pa bazuar dhe të aprovohet njoftimi për kontratë i AK dhe ti lejohej të vazhdoj tutje me këtë aktivitet të prokurimit me arsyetimin sepse AK ka përgatitur specifikat në koordinim me profesionistët përkatës të QKUK-së respektivisht Neonatologët, me ata që kujdesen për shëndetin e fëmijëve në klinikën e neonatologjisë në QKUK.

Prania e përbërësve të caktuar në "Ushqimin pluhur për foshnje" siç janë: probiotikët, acidet e larta yndyrore etj. dhe prania ose jo e laktozës janë definuar qartë nga AK përmes neonatologëve të saj.

AK përmes parashtresës me shkrim është pajtuar me mendimin e ekspertit , ndërsa OE-të ankues po ashtu përmes parashtresës me shkrim nuk është pjesërisht me mendimin e ekspertit shqyrtues dhe teknik.

Paneli shqyrtues në pajtim me dispozitat e 26 të Rregullores së punës së OSHP në seancën e mbajtur pa prezencën e palë ku për këtë seancë ishte i ftuar eksperti shqyrtues i prokurimit dhe paneli shqyrtues shqyrtoi shkresat e lëndës si: dosjen e tenderit me specifikime teknike, ankesën e OE ankues, raportin e ekspertizës së ekspertit shqyrtues dhe teknik si dhe përgjigjet e palëve lidhur me këtë raport e po ashtu bëri edhe dëgjimin e ekspertit shqyrtues i cili deklaroi se qëndron pranë raportit të tij të ekspertizës së dt.11.05.2017 nr,118/17.

Paneli shqyrtues duke patur parasysh se kemi të bëjmë me shëndetin e fëmijëve dhe ky aktivitet i prokurimit është përgatitur nga personat kompetent të QKUK e të cilët janë në përditshmëri me ushqimin e fëmijëve ia falë besimin specialistëve të QKUK dhe ekspertit teknik të OSHP.

Paneli shqyrtues pas shqyrtimit të shkresave të lëndës si: dosjen e tenderit me specifikime teknike, ankesën e OE, raportin e ekspertizës së ekspertit shqyrtues, përgjigjet nga ana e AK dhe



OE ankues lidhur me këtë raport të ekspertizës si dhe dëgjimin e palëve paneli gjeti se AK ka vepruar në pajtim me nenin 6, 7 dhe 28 të LPP-ës.

Andaj paneli shqyrtues nga të cekurat më lartë dhe konstatimet dhe rekomandimet e ekspertit teknik, në pajtim me nenin 117 dhe 104.4 të LPP-së vendosi si në dispozitiv të këtij vendimi.

**Këshill juridike:**

Kundër këtij vendim nuk është e

lejuar ankesa. Palë e pakënaqura kundër këtij vendimi mund të ushtrojnë kërkesë-padi për kompensim dëmi në

Gjykatën Themelore Departamenti Administrativ  
në afat prej 30 ditësh.

**KRYETARI I PANELIT SHQYRTUES**

**Tefik Sylejmani**

